

## “ЭКО-АЗИ” ДЭЭД СУРГУУЛИЙН ОЮУТНЫ ЁС ЗҮЙН ДҮРЭМ

### Нэг. Ерөнхий зүйл

1.1 “ЭКО-АЗИ” дээд сургууль (цаашид сургууль гэнэ)-д суралцагч оюутны үүргийг баталгаажуулах, сургуулийн хамт олон доторх харилцааг зохицуулах, хариуцлагын тогтолцоог бий болгоход энэхүү дүрмийн зорилго оршино.

1.2 Сургууль нь аливаа хүчирхийлэл, сүрдүүлэгээс ангид хууль тогтоомжийг ёсчлон биелүүлдэг, ардчилал, хүний эрхийг хүндэтгэн дээдэлдэг, оюутны суралцах таатай орчныг бүрдүүлсэн байна.

### Хоёр. Оюутны үүрэг

2.1 Оюутан нь Монгол Улсын хууль тогтоомж, холбогдох дүрэм, журмын заалт болон сургалтын гэрээгээр хүлээсэн үүргээ сахин биелүүлдэг, идэвх чармайлт гарган суралцдаг, сургуулиас төлөвлөн зохион байгуулж буй үйл ажиллагаанд идэвхитэй оролцдог, хөндлөнгөөс саад учруулдаггүй, бусдын эрх ашгийг хүндэтгэдэг байна.

2.2 Оюутан нь гэмт хэрэг үйлдсэн бол хуулийн дагуу шийтгэл хүлээх бөгөөд хэрэв энэ үйлдэл нь сургуулийн болон хамт олны эсрэг чиглэгдсэн байвал энэ дүрмийн дагуу давхар хариуцлага хүлээнэ.

2.3 Оюутан нь хамт суралцагчдынхаа нэр хүнд, эрх ашгийг хамгаалж байна.

### Гурав. Хүлээх хариуцлага

3.1 Бусдын оюуны өмчийг зөвшөөрөлгүй ашигласан, шалгалтын материалтай урьдчилан танилцсан, хуулсан, сурлагын дүнгийн үнэлгээнд зүй бусаар нөлөөлсөн, хууль бус аргаар дүн, шагнал, урамшуулал, тэтгэлэг авахыг оролдсон.

3.2 Сургалтын төлөвлөгөө, хичээл дадлагын үйл ажиллагаанд саад учруулсан.

3.3 Сургуулийн захиргаа, сургалтын алба, багш нарт хуурамч материал болон буруу мэдээлэл өгсөн, зөвшөөрөлгүйгээр дүн тайлан, бичиг баримтад засвар хийсэн, сургуулиас олгосон биеийн байцаалтыг буруугаар ашигласан

3.4 Сургуулийн удирдлага, багш нарийн зүгээс тавьсан хууль ёсны шаардлагыг биелүүлээгүй.

3.5 Сургуулийн бичиг баримт, мэдээ материалыг гэмтээсэн, устгасан, хуурамчаар үйлдсэн буюу зөвшөөрөлгүйгээр хувилсан буюу хэвлэсэн.

3.6 Сургуулийн нутаг дэвсгэрт бусдын эрүүл мэнд, аюулгүй байдалд нөлөөлсөн зохисгүй үйлдэл гаргасан.

3.7 Сургуулийн дотоод журмыг ноцтойгоор зөрчсөн, бусдыг доромжилсон, заналхийлсэн, эрх чөлөө болон хувийн нууцад нь халдсан, амгалан тайван байдлыг алдагдуулсан, эрдэм шинжилгээ, захиргаа, олон нийтийн ажлыг үймүүлсэн, тасалдуулсан.

3.8 Сургуулийн нутаг дэвсгэрт хар тамхи, архидан согтууруулах ундаа биедээ авч явсан буюу хэрэглэсэн.

3.9 Сургуулийн өмчид хамаарах хөрөнгө, ном сурах бичиг, тоног төхөөрөмжийг зориулалтын бус байдлаар ашигласан, гэмтээсэн.

3.10 Сургуулийн аюулгүйн болон бусад онцгой байдлын тоног төхөөрөмжийг буруугаар ашигласан, тэдгээрт гэмтэл, хохирол учруулсан, хариуцсан ажилтны үйл ажиллагаанд саад учруулсан.

3.11 Сургуулийн байр, эзэмшилд нэвтрэн орох түлхүүр, карт, кодыг зөвшөөрөлгүйгээр ашигласан, бусдад дамжуулсан.

- 3.12 Сургалтын гэрээ болон сургуулийн дүрэм, журмын заалтыг зөрчсөн, тэдгээрээр хүлээсэн үүргээ биелүүлээгүй.
- 3.13 Энэхүү дүрмийн заалтуудыг удаа дараалан зөрчсөн.
- 3.14 Сургуулийн мэдээллийн сан, веб хуудсыг гэмтээсэн, алдагдуулсан.

Дөрөв.Сахилгын зөрчил гаргасан оюутанд  
авах арга хэмжээ

4.1 Ёс зүйн дүрмийг зөрчсөн оюутны асуудлыг багш нарын зөвлөлийн хурлаар хэлэлцэн зөвлөмж гарган, сургуулийн захиргаанд өгнө. Хурал ил тод нээлттэй, шударга зарчмаар явагдана.

Зөвлөлийн бүрэлдэхүүн шийдвэр гаргах, хариуцлага тооцох харилцааг сургуулийн хамт олны хурлаар хэлэлцэж арга хэмжээ авна.

- Үүнд:
- Амаар буюу бичгээр анхааруулах.
  - Эрхийг хязгаарлах буюу диплом олгохыг тодорхой хугацаагаар түдгэлзүүлэх, сургуулиас олгосон биеийн байцаалт болон сургуулийн бусад өмч хөрөнгийг хураах, хохирлыг төлүүлэх.
  - Тодорхой нөхцөлтэйгээр үргэлжлүүлэн суралцуулах.
  - Тодорхой хугацаагаар суралцах эрхийг нь хасах
  - Сургууль, хамт олны өмч, эд хөрөнгө, аюулгүй байдал, хэвийн үйл ажиллагаанд учруулсан хохирлын хэмжээнээс шалтгаалан сургуулийн захиргаа тухайн оюутныг сургуулийн ёс зүйн зөвлөлийн хурлаар хэлэлцүүлэлгүйгээр сургуулиас хөөж болно.

Энэ арга хэмжээг дараах тохиолдолд авна.

- Зөрчил удаа дараа давтагдсан.
- Сургуульд их хэмжээний хохирол учруулсан, нэр төрд нь халдсан.